



**COFNODION CYFARFOD  
O BWYLLGOR RHEOLI CAE MAESYDERI  
27 HYDREF 2009 AM 7.00PM  
SWYDDFA MENTER LLAMBED, LLANBEDR PS**

**YN BRESENNOL**

**CYNGOR TREF LLANBEDR PS**

Cyng. Maer Selwyn Walters (Cadeirydd)  
Cyng Robert Phillips (Is-Gadeirydd)  
Cyng. Cecilia Barton; Chris Thomas; Derek Wilson

**MUDIAD MYDTARA**

Sue Davies – Maesyderi, Llambed  
Lizzie James - Gwêl-y-Creuddyn

**YN GWEINYDDU**

Eleri Thomas – Clerc Cyngor Tref Llambed

**1. CROESO'R CADEIRYDD**

**Croesawodd** y Maer Selwyn Walters aelodau'r Cyngor Tref a chynrychiolwyr MYDTARA i'r cyfarfod.

**2. YMDDIHEURIADAU**

**CYNGOR SIR CEREDIGION**

Cyng Robert (Hag) Harris  
Cyng Ivor Williams

**CLWB RYGBI A PHÊL DROED LLANBEDR PS**

Cyng. Greg Evans.

**MUDIAD MYDTARA**

Carol Davies

**3. DATGELU BUDDIANNAU PESONOL**

Dim.

**4. COFNODION CYFARFOD 22/09/2009**

Cytunwyd i gofnodion y cyfarfod o'r Pwyllgor a gynhaliwyd yn Swyddfa Menter Llambed ar Ddydd Mawrth 22ain o Fedi 2009 fel cofnod cywir. Arwyddwyd y cofnodion gan y Cadeirydd.

**5. MATERION YN CODI**

**5.1 TORRI GWAIR**

**Adroddwyd bod** Mr Mike Brown, Caerfoel, Cribyn wedi torri'r gwair ar 4 achlysur (y 4ydd toriad ar yr 27ain Hydref) ers canol Medi. Roedd y cytundeb wedi cynnwys 6 toriad cyn ddiwedd Tachwedd. Penderfynwyd, rhwng cyfarfodydd i ofyn i Mr Brown i ohirio'r 2 doriad olaf tan y flwyddyn nesaf gan fod aelodau o'r farn na fyddai'r gwair yn tyfu llawer yn ystod gweddill y flwyddyn.

***Y mae Mr Brown wedi cytuno i'r trefniant hwn.***

**5.2 GWAIR SY’N TYFU YR OCHR ALLANOL I’R FFENS AC YN AGOS I GWRBYN YR HEOL SY’N ARWAIN I STÂD MAESYDERI**  
**Cysylltodd Eleri Thomas â’r Cyngor Sir Ceredigion (CSC) ynghynt yn y dydd i’w hatgofio o’r mater – *yn disgwyl ateb oddi wrthynt parthed torri’r gwair sy’n tyfu yr ochr allanol i’r ffens ac yn agos i gwrbyn yr heol sy’n arwain i stâd Maesyderi.***

**5.3 TOCIO’R PERTHI**  
***Cytunodd y Cyng. Chris Thomas i docio ac i osod y berth.***

**5.4 Y FFENS**  
**Bydd y ffens yn cael ei drwsio’n ystod y dyfodol agos.** Dywedodd y Cyng Ifor Williams mewn cyfarfod, ynghynt yn y flwyddyn, y byddai’n cysylltu â Mr Spencer Defriend CSC i ofyn tybed a fyddai’n bosibl i’r cyngor sir i drwsio’r ffens – ***yn disgwyl ateb gan y Cyng. Williams.***

**5.5 BINIAU SBWRIEL**  
**Bu i’r Cyng. Phillips ymwneud ag ymholiadau â’r CSC parthed gwacau’r biniau- *yn disgwyl ateb oddi wrthynt.*** Bydd y mater o leoli biniau sbwriel yn y cael ystyriaeth yn ystod y dyfodol.

**5.6 ARWYDDION**  
**Boed i’r Cyng Wilson a Chyng. Thomas osod yr arwydd yn datgan *Dim Cŵn, Dim Sbwriel, Dim Mynediad heb Ganiatâd* mewn lle, ar 2 achlysur.** Siomedig oedd aelodau i glywed bod aelodau’r cyhoedd wedi tynnu’r arwydd i ffwrdd am yr eildro. ***Dywedodd y Maer y byddai’n adrodd y difrod fel fandaliaeth i’r Heddlu’n ystod cyfarfod nesaf y cyngor tref o’r 29ain Hydref.*** Er lles iechyd y cyhoedd teimlwyd na ddylid caniatáu cŵn ar y cae ar unrhyw amod. ***Cytunodd y Cyng Thomas a’r Cyng Wilson i osod yr arwydd mewn lle unwaith yn rhagor, y tro hwn yn sownd ar y ffens.*** Gofynnir i’r Heddlu i gadw llygad barcud ar y cae. ***Adroddodd y Cyng Thomas ei fod yn dal i ddisgwyl yr arwyddion parthed cŵn yn baeddu, dan law’r heddlu.***

**5.7 GATIAU NEWYDD**  
**Bu i’r Cyng Thomas a’r Cyng Wilson osod y gât am yr eildro. *Cytunwyd i folltio’r gatiau mawrion.***

**5.8 AWGRYMIADAU-DEFNYDD POSIBL AR GYFER Y CAE YN YSTOD Y DYFODOL**  
**Bu i Lizzie James lunio a dosbarthu tua 400 o daflenni i drigolion y dref yn ymwneud â holiadur yn gofyn am syniadau ar gyfer defnydd posibl y cae yn ystod y dyfodol.** Roedd fframau dringo, trac rhedeg a pharc sglefrio’n syniadau poblogaidd.

Boed i rai aelodau ymweld â pharc chwarae Castell-Newydd Emlyn a bu’r Cyng. Barton yn ymweld â pharc sglefrio’n Nrefach-Felindre sy’n cael ei redeg gan gorff gwirfoddol.

Penderfynwyd y byddai’r cae’n cael ei ddatblygu fel amwynder ar gyfer pobl ieuainc yn eu harddegau gan fod lleoedd chwarae ar gael yn barod yn y dref ar gyfer plant yn iau.

Adroddodd Sue Davies bod un o drigolion Maesyderi wedi cynnig ei wasanaeth i greu adeiladwaith o'r goeden yr helygen ar y cae'n rhad ac am ddim. Roedd syniadau eraill yn cynnwys graffiti "trefnus".

Penderfynwyd y dylid llunio cynllun/map ar gyfer defnydd dyfodol y cae  
Penderfyniadau:

1. **Beth yn union** sydd angen eu lleoli ar y cae – byddai'n anghenrheidiol i ymgynghori â phlant Ystâd Maesyderi i ofyn am eu mewnbwm ac i greu'r teimlad o berchnogaeth.
2. **Byddai rhaid bwrw cyfrif ar y gost.** Dywedodd y Maer, cyn belled, y mae'r cyngor tref wedi cwrdd â'r costau heb lunio cyllid arbennig ar gyfer y cae. Gellir codi arian wrth drefnu gweithgareddau codi arian, derbyn grantiau (bydd Lizzie James yn trafod grantiau gyda Teleri Davies CAVO); y posibilrwydd o godi'r praesept i gwrdd â'r gost ychwanegol neu defnyddio peth o'r arian sydd wth gefn gan y Cyngor Tref.

#### 5.9 ADRODDIAD CYNNYDD AR GYFER Y WASG

**Cutunwyd bod Eleri Thomas yn cyflwyno adroddiad cynnydd i'r Wasg** o dan newyddion yn ymwneud â'r pentref ( Cambrian News; Carmarthen Journal; Clonc) i hysbysu aelodau'r cyhoedd o'r gwaith sydd wedi ei ymgymryd yn barod ar y cae a'r gwaith y bwriedir ei gyflawni'n ystod y dyfodol, i geisio ennyn diddordeb y cyhoedd a cheisio gwirfoddolwyr o'r gymuned.

#### 5.10 MYNYDD O BRIDD AR Y CAE

**Cytunodd Sue Davies i ofyn i un o drigolion Maesyderi tybed a fyddai'n bosibl iddo adleoli'r mynydd o bridd o'r safle pesennol** gan ddefnyddio JCB. Gellir defnyddio'r pridd yn ystod y dyfodol ee ar gyfer creu trac-baw.

5.11 **Bu i'r Cyng Thomas adleoli 2 fainc** nad oedd eu hangen bellach o Barc Parc-yr-Orsedd i Gae Maesyderi. **Y mae yn y broses o drwsio mainc arall a oedd yn weddill o Barc-yr-orsedd, yn ei gartref, cyn ei throsglwyddo i'r cae.**

5.12 **Mae mynyddoedd** gwaddod yn broblem ar y cae.

#### 6. CYLLID GWARIANT:

EITEM	PRIS HEB TAW	TAW £	CYFANSWM £
GÂT	365.00	54.75	419.75
ARWYDD NEWYDD	109.00	16.35	125.35
6 TORIAD GWAIR			800.00
Argraffu 400 o daflenni			36.00
<b>CYFANSWM Y GWARIANT CYN BELLED</b>			<b>£1,381.10</b>

Gan nad oedd unrhyw fater arall daeth y Cyfarfod i ben am 8.20pm.

#### 7. DYDDIAD Y CYFARFOD NESAF

**Nos Fawrth 24<sup>ain</sup> o Dachwedd am 7.00pm. Swyddfa Menter Llambod.**

----- (Cadeirydd & Dyddiad)